

《續修四庫全書》編纂委員會編

續修四庫全書

上海古籍出版社

五二〇・史部・傳記類

元季伏莽志十卷

〔清〕周昂撰

一

皇明名臣言行錄前集十二卷後集十二卷續集八卷

〔明〕徐咸輯

一六九

明名臣言行錄九十五卷（卷一至卷三十三）

〔清〕徐開任輯

三九三

2662/10

此元季伏莽志四冊彤管遺徵
 兩冊昭文周少霞孝廉昂作係懶
 金胡公得於粵匪亂離公自庚午
 薦而未售遂絕意仕進余與公同
 里又曾同赴南關今於其孫振飛
 亦四十餘歲矣曷昧滄桑之感時
 在壬戌四月二十一日遯叟俞鍾穎流
 年七十有五

明初伏莽志目錄

卷之一

盜臣傳序畧一

逆黨傳序畧二

小諒傳序畧三

雜傳序畧四

表忠傳序畧五

降辱傳序畧六

高蹈傳序畧七

駁辨序畧八

卷之二

韓林兒

卷之三

徐壽輝

卷之四

陳友諒

卷之五

明玉珍

卷之六

張士誠

卷之七

方國珍

卷之八

芝廡李擴廓帖本兒

郭子興

卷之九

李思齊 張良鈞附

何真

卷之十

擴廓帖本兒

陳友定

何真

卷之十

駁辨

納哈出

元李明初伏莽志卷之一

盜臣傳序畧一

昭文周 昂少霞氏輯

詩云普天之下莫非王土率土之濱莫非王臣言乎所處之分也世之盛也大法小廉下迨食德服疇之子無不向風慕義傾日輸誠盡乎其為臣也世衰道微政教不行民興胥漸泯泯焚焚狐鳴篝火而盜賊興焉不臣之迹莫斯為甚然不得因其不臣而但屏之以盜使之不得列於臣也不得列於臣則不得列於人而臣道熄人類滅矣今夫獸之有虎狼其臣屬乎麟也猶之以麟為君也肆其凶殘之性豈復自知為獸然欲不謂之獸不可得也鳥之有鴟梟其臣服乎鳳也猶之以鳳為君也逞其恃鷙之性直若忘其為鳥然欲不謂之鳥不可得也盜者人類中之虎狼鴟梟也虎狼而廁之於麟鴟梟而班之如鳳是賞盜也率天下而為亂階也元以韃靼部入主中夏紹承正統世祖臨馭勵精求治其時一切諸大政幾幾乎與漢之文景唐之貞觀相為頡頏厥後嗣王任用僉人世道凌夷土崩瓦解鹿走中原羣起而逐之韓林兒起於淮徐壽輝起於蘄方谷真起於浙陳友諒起於漢明玉珍起於蜀張士誠起於吳以迨陳友定何真輩或跨州連郡或竊據一隅甚至僭稱大號建國改元總而名之莫非盜魁夫此不逞之徒亂之初生斬木揭竿沐猴而冠

說鯢黃屋不自知為井底蛙也迨真人既出身為鯢鯢歸咎天亡如機上肉而不悟嗚呼盜亦何益而為此其所謂驅除難者天運為之斯人事合焉是故論世者於此子之以鉞可耳不予之以鉞而進而予之以袞此悖理傷教之大者也其事蓋作俑於司馬遷遷之傳項羽也曰項羽本紀夫漢高稱本紀矣羽何人而亦曰本紀乎是褻視本紀也遷之傳陳涉也曰陳涉世家夫蕭曹稱世家即我孔子亦不過以世家尊之涉何人而亦曰世家乎是褻視世家也班氏變其例而以羽與涉同傳識之優於遷直相懸萬萬斯可為百世不易之軌矣而不意沿遷之謬而復為揚其波者有吳子任臣焉任臣輯十國春秋一書其文富其辭覈然所謂博雅君子不可以良史言也十國際李唐之季因黃巢遺孽而張其畿其竊據中原者得國既不以正至於瓜分豆剖割據偏隅如夜即自大者更何足數而任臣所輯之春秋稱本紀者六稱世家者四夫此數人雖無篡弑之迹而鼠竊狗偷負隅阻險即高無賴錢婆留馬殷王審知輩奉中朝正朔有臣之號而實無臣之心況楊行密王建劉隱孟知祥李璟劉贊儼竊大號其尚肯為臣乎總而名之皆當以盜例也而曰本紀曰世家不已過歟元季羣凶尚不迫十國之形勢以臣目之則皆不臣之甚者也如張士誠方谷真皆嘗受元之封爵而實不得謂之臣若韓林兒徐壽輝陳友諒明玉珍生而不知有

君者也生而不知有君安得尚目之為臣然吾論其實而例之曰盜正其名而系之以臣欲使天下萬世攘竊姦宄之屬知時或當否運或逢屯而君臣之義無可逃於天地之間其猶有筆削之微指也與是為盜臣序畧一

逆黨傳序畧二

嗚呼盜臣之狼子野心已不可以為人矣而徒黨同惡相濟乃至臣於盜臣而甘為臣僕彼豈無天良驚於功名之會遂於富貴之場乘時取利而順逆之勢昧也禹謨之言曰惠迪吉從逆凶惟影響言乎順逆之理報施之道未之或爽也然而庸下之夫未遘其凶孰則預戒夫凶者彼其發迹泥塗侈然肆志乘高車策駟馬前堂則倡優雜伎陳於前後房則幼女嬖妾隨乎後驕奢淫佚惟日不足天蓋厚其毒而直赤其族豈止蓄及其身哉顧當得志之時設有以吉凶禍福之說曉之者彼非特悍然不顧抑且懵然不知何者彼正不悟其為逆也攀鱗附翼文學之士人人自以為金馬玉堂介冑之長人人自以為干城心腹迨危機既蹈禍不旋踵非歸命投誠即延頸繫組駢首就戮於斯時也欲自振拔而無由始悔輟耕隴上亦可優游卒歲立身一敗萬事瓦裂比匪尚戒之況從逆乎然吾於此又有慨焉順逆之勢事後觀之則顯然易明當事衡之則隱而莫測為龍為蛇亦有幸不幸存乎其間不然開創如明祖其先居人麾下得不謂非滁陽之黨哉序逆黨傳第二

小諒傳序畧三

何言乎小諒也魯論子曰君子貞而不諒孟子曰君子不諒惡乎孰蓋諒者瑕瑜互見之詞也世之衰也浮偽相高講張為幻縱橫捭闔之士暮楚朝秦絕不知信義之不可踰於此有人焉守硤硤之節誓死不顧百折不回若曰主遇我厚我不忍負之嗚呼此由感激私恩而然然亦可以砥礪末俗鼓率正教矣而吾即於此別其為小者何士君子之處世當知所以持身欲知所以持身尤務在乎明理理之所在人倫之大綱而古今不易之常軌也明乎理則動必以正動必以正則死可也生可也惟要於正而已乾四德終之以貞貞為事之幹君子之所以不諒恃有此耳若言乎諒則未有不見其小者彼其一往直前之概執而不化曉之以勢不問勢也諭之以情不揆情也以為事固當然而期於必赴充其量亦何不可盟金石而光日月而蔑蔑者乃出於此譬之蜂蟄知有王而能效死則君子亦姑進之所以重信義也元季羣兇中能蹈此者鮮矣而其類或不乏槩以逆黨目之崑岡殆不分五石矣匹夫匹婦溝瀆自經其所以自處亦有足悲者作小諒傳第三

雜傳志序畧四

元季羣盜攘竊其時政刑一切無可備記載日尋干戈大都軍旅之事而已屢書不一書真霸史也羣盜中惟張氏尚有一二善政如葺學宮修岳墓刻書版亦已見於本傳而或事出閭閻或兆占玄象無其人以系之闕而弗書後將何攷焉約之曰雜傳志是或一道也為雜傳志第四

表忠傳序畧五

臣道貴乎忠不必其皆死綏也不必其盡殉節也易曰蹇蹇匪躬詩曰靖共爾位蓋盡其為臣即盡其為忠也若乃致命疆場殉身民社以死報國則臣能死君尤忠之大者是故世道之隆忠臣在盡其力世道之汙忠臣必殺其身元馭天下未及百年德澤固未久也中葉以後又稍凌夷衰微矣然而民之戴之者亦以為踐其土食其毛有天澤之象焉有冠履之分焉大節不可踰非世值汙而此義或可替也買的里八剌之被俘也明祖以祖父嘗為之民曉諭羣臣此非獨度量之宏亦教忠之意也何者於其子孫以禮待之於吾祖父亦以忠報之而已況身膺軍國之寄躬與科名之榮業已馳驅王路則報稱將何道之從肝腦塗地雖非奇節夫亦曰盡乎其為臣焉耳夫義形於色誓死不顧固無愧乎為忠矣如達識貼睦通之贖貨無厭縱惡養奸卒也幽囚而死楊完者之兇悍自恣淫掠不法卒也被困自經皆於臣道有愧所謂死有餘辜者也然吾謂此二人猶以元死則皆死於元者也死於元亦忠之屬也忠不一而忠之屬附見焉君子曰從乎恕也嗚呼士窮見節義世亂識忠臣疾風勁草如之何其忽諸序表忠傳第五

高蹈傳序畧六

今夫高岡之鳳風人所羨也然而太廟之犧莊生獨畏之言乎
出不如處也昔周宣王之世周室中興召虎方叔武功載績當
此時也伏處巖阿之士亦可矯首天衢翱翔雲路矣乃白駒之
詩猶慮爾音金玉而有待於繫維蓋其時士無慕乎爵祿多潔
身遠引而肥遯不顧於以見先王禮教之遺經幽厲之世未之
或泯也元氏定鼎世祖初政安車蒲輪日出姚樞許衡竄默之
徒輦來於京於是崇以殊禮寵以高爵時則懷抱一經之士無
不願為叔孫弟子迺知漢高不能致四皓隋文不能官王通以
元方之殆過其上順帝末造秕政日聞砥行厲名之士亦落落
不少概見豈鍾毓有不靈歟然而作者七人當夫子泣麟歎鳳
之時猶未嘗絕此元季所以處傾側擾攘之極而樂於高尚者
往往而有也飛者翔於寥廓而羅者視乎藪澤羅者之所悵飛
者之所適也士或寡廉鮮恥而汲汲於功名曳裾侯門如饒介
劉仁本等不待身伏斧鑕而已當聞風知愧矣然吾獨惜名隨
身湮當日埋骨深山而姓氏之零落正不知其幾何也為高蹈
傳六

降辱傳序畧七

方乎哉以懷瑾握瑜之士向孤鳴篝火之徒謹尊卑上下之儀
作鼠竊狗偷之事俯首下心奉令承教試問其所以自負其志
自愛其身平日若之何慷慨磊落而一旦寡廉鮮恥一至於斯
降之甚辱之甚為士林者尚忍言哉尚忍言哉顧士亦何嘗不
知降辱之可愧可羞而甘蹈之且習而安焉其致此何也大抵
有兩途焉其一則怵於勢也古之聖賢立身行己不為威惕孟
子之言大丈夫也曰威武不能屈言乎剛強之性貫乎金石區
區鼎鑊刀鋸豈至劇目鉢心如蒯通一辨士猶且不畏就烹況
其為大雅者乎然此不可槩之中材以下之人是故死於忠者
固加人一等其逝將去者亦所謂差強人意者也非是則驅之
以勢繩之以法妻孥之戀重身家之念殷舍垢納汙事出於無
如何勢屬於不得已降不敢言也辱不敢言也隱忍焉而已其
一則溺於情也語曰士為知己者用女為悅己者容豪傑之士
抑塞坎坷而大姦惡忽從而物色之假以事權置之清要引為
心膂藉以斧柯於是願效馳驅涕零感激當此之時雖肝腦塗
地有所弗辭區區降辱尚安問乎其或故臣遺老遭時多難家
室漂搖骨肉零落至於生計蕭然賦鵲烏者有誰屋之嗟歌黃
鳥虛肯穀之望流離顛沛與死為鄰而弄兵大猾因其人望待
以賓客之尊予以廩餼之厚於是欲高尚其志而勢有不能欲

歸潔其身而意難自主為降為辱亦姑置之已耳若乃急功近
名賤榆之子趨利若鶩薦剡未列預慶彈冠束帛不招輒思杖
策此其人固知降辱之恥方且以為富貴在我擇木而棲我何
知焉勢若冰山肆行威福如陳汝言不過潘元紹之掾屬而覈
其情事與逆黨相去幾何夫明哲保身君子所為知幾智士所
以遠害業已比之匪人兩相睚眦則成敗利鈍往往昧之及乎
天命有歸土崩瓦解蜂屯蟻聚各鳥獸散疆場在執訊之條困
圉作累囚之屬劉仁本之鞭背蔡彥文之風屍此可為教歟太
息者也若陳韋羌語多指斥擬於陳琳而得從寬典且以修史
微勞賜金而返幸正首叩其亦所謂有幸不幸者耶然則士
君子之處亂世當如何夫亦曰持之以堅忍而已持之以堅忍
則劫吾以威吾則夷然市吾以恩吾則漠然豈惟免於降辱亦
自全之術也為降辱志第七

駁辨序略八

世運當變遷之會載筆其間者考信為難孔子之作春秋也曰
所見異詞所聞異詞所傳聞又異詞二百四十年中時久則無
從攷證其誤異宜也若不過十餘年之暫宜無不得其實而明
氏之冠雲南方氏之傳明敏張氏之喪士德以及饒介之官
聞往往相矛盾焉其從乎此耶則悞在彼其從乎彼耶則悞在
此後之留心史事者其將何途之從夫一名一物儒者猶為類
辨況其為人事而又有關於世運者乎時殊世異記載闕如臚
而列之孰是孰非竢後賢更詳辨之為駁辨序略八

元
明初伏莽志卷之二

盜臣傳

韓林兒

昭文周 昂少霞氏輯

韓林兒灤城人。或言李氏子先世。[] 謫徙廣平之永平。元末政衰林兒儼山童土人稱之為韓學究。又稱之曰韓哥哥。山童無他材。[] 以[] 惑[] 天下大亂。彌勒佛下生河南。及江淮愚民翕然信之。潁州人劉福通與其黨羅文素、盛文郁、杜遵道、王顯忠、韓咬兒等復鼓妖言。謂山童實宋徽宗八世孫。當主中國。福通遂殺白馬黑牛。祭告天地。欲同起兵。為亂事。覺縣官捕之急。福通遁入潁州。反而山童為吏所縛。誅死。其子林兒與其母楊氏逃入武安山中。有司莫能得。先是至正庚寅間。蔡議賈魯以當承平之世。欲建事功。首勸脫脫丞相開河北水田。造至元文鈔。皆不果行。及河決南行。又請求禹故道。開使北流。身重其任。潁河起集丁夫二十六萬餘人。朝廷所降金錢官吏多不盡支。河夫多怨。韓山童等因挾詐鑿石人止一眼。鑿其背曰莫道石人一隻眼。此物一出天下反。預當開河道。埋之掘者得之。遂造亂。時河南北童謠亦有石人一隻眼。挑動黃河。天下反之語。及魯治河果於黃陵岡得之。而至正十一年。僕州遂安童謠云。挖了石佛眼。當時木子反。是年五月潁州紅

八

軍起。亦號香軍。蓋以燒香禮彌勒佛得名也。於是荆漢許汝山、宋豐沛以及兩淮紅軍皆起。應之。潁上者推杜遵道為首。起蕪黃者宗彭瑩玉和尚。推徐貞逸為首。起湘漢者推布王三、孟海馬為首。布王三號北瑣紅軍。孟海馬號南瑣紅軍。起豐沛者推芝麻李為首。追韓山童起灤州。自稱徽宗之裔。其偽詔畧曰。蘊玉璽於海東。取精兵於日本。貴極江南。富誇塞北。蓋以宋廣王走崖山。丞相陳宜中走倭。托此說以動搖天下也。按宜中逃之風馬。某氏走倭之說不知何所本。於是監察御史徹徹帖木兒等言。河南羣盜輒引亡宋故號。以為口實。宜以瀛國公和尚趙完普及親屬沙漢州安置。禁勿與人交通。從之。壬申元命樞密同知赫斯禿赤授以分樞密院印。領阿速軍六千并各支漢軍討潁上紅軍。阿速者綠睛回回也。素號精悍。善騎射。與河南行省徐左丞俱進軍。二將沉酒酒色。軍士但以剽掠為務。赫斯禿馬望見紅軍陣大揚鞭曰。阿卜阿卜者華言走也。於是所部皆走。其後赫斯禿於上蔡徐左丞為朝廷所誅。阿速軍不習水土。病死過半。是月劉福通據朱臯。攻破羅山上蔡。真陽。確山。遂犯舞陽。葉縣等處。八月丙戌。蕭縣李二老彭趙君用亦以燒香聚眾。應劉福通起兵。攻陷徐州。李二號芝麻李。芝麻濟人得名。與隣人趙君用謀起事。君用為李二往說燕城南彭二許之。引見芝麻李。得八人軟血同盟。八月十日偽為挑河夫。夜投徐城。為亂。時承平久民

皆束手從命天明樹大旗募人為軍從者十餘萬造浮橋四出
前地奄有徐州鄰近城邑事聞朝廷省吏抱牘題曰謀反事脫
脫觀其牘改題曰河南漢人謀反事識者知不復能有天下矣
芝麻李及其賊黨別有傳至正十三年九月劉福通陷汝寧府
人息州光州眾至十萬壬子元命御史大夫也先帖木兒為知
樞密院事脫脫丞相弟也偕衛王寬徹哥總率諸衛軍十餘萬
討紅軍十月命知樞密院事老章輔也先帖木兒討河南諸寇
十二月辛丑也先帖木兒復上蔡縣與河南萬戶察罕相繼與
賊慶戰殺韓咬兒於南陽卧龍岡下十二月布王三陷鄧州襄
陽至正十二年正月命速魯魯為淮東添設元帥統領兩淮所
募鹽丁五千討徐州淮東元帥速善止上言官軍不習水土宜
募場下鹽丁可以攻城又淮東豪民王宣亦上言鹽丁本野夫
不如募城市趨勇慣捷者可以攻城前後各得三萬人皆黃衣
黃帽號曰黃軍脫脫用以攻徐州一鼓克之是年正月孟海馬
陷襄陽徐真逸陷湖廣定遠富民郭姓者亦以燒香聚眾稱毫
州節制元帥先一年十一月起定遠二月克濠州三月克曹州
二月己亥朔定遠人郭子興與孫德崖及俞某魯某潘某起兵
自稱元帥攻拔濠州據其城守之三月壬子朝廷以老章師父
無功詔太不花為河南左丞相往代其軍未期月平南陽汝寧
唐隨又下安陸往安等路軍聲大振脫脫調阿剌吉太尉攻汝

何遜

寧汝寧紅軍懼退保亳州阿剌吉攻平汝寧辛酉命親王阿兒
所以兵討商州等處賊寇以鞏卜班知行樞密院事赫廝死朝
廷別命鞏卜班平章為將領侍衛漢軍合愛馬鞭鞭軍合數萬
眾屯汝寧沙河岸日夜沉溺酒色醉卧不醒敵人偷營遽失大
將所在次日閱死人得其屍於死人中軍退數百里屯項城閏
三月明祖起義從軍入濠是月也先帖木兒駐軍沙河總精兵
二十餘萬金銀布帛數千輛軍中夜驚軍潰盡棄軍資器械收
殘卒北奔汴梁時文濟王在城遣謂之曰汝為大將見敵不殺
何故自潰吾將効汝此城必不容汝也遂離城四十里朱仙鎮
屯馬朝廷命蠻子平章代之時芝麻李據徐州丞相脫脫請自
將討之師次徐丹攻其西門賊出戰以鐵鉤箭射馬首脫脫不
為動麾兵薄城城堅不可猝拔用也速計以巨石為礮晝夜攻
之賊困莫能支也速入其外郭明日城破芝麻李遁去追擒偽
千戶數十人屠其城改為武安州趙君用彭大率餘黨奔濠州
脫脫命賈魯追擊之是歲潁川沈邱探馬赤軍察罕帖木兒與
羅山縣典史李思齊集眾號義兵克復羅山至正十四年三月
丙子陷潁州五月甲子安豐正陽賊圍廬州十月戊戌元詔答
失八都魯及泰不花等令軍討安豐正陽賊圍廬州十月答失
八都魯復苗軍所據鄭均許三州十二月復河陰鞏縣十五年
閏正月明祖取和陽守之二月己未劉福通等自碭山夾河迎

韓林兒至立為皇帝又號小明王臣民稱為主公建都亳州國號宋改元龍鳳以母楊氏為皇太后杜遵道盛文郁為丞相羅文素劉福通為平章劉六知樞密院事拆鹿邑縣太清宮材建宮闕遵道等各遣子入侍遵道得寵專權劉福通疾之命甲士殺遵道福通遂為丞相旋自立為太保時滌陽郭子興卒四月杜遵道聞之劉福通等遣人詣和陽招諸將欲為己用時孫德崖覬欲統滌陽之眾其子聞之懼辭不能以文召明祖代明祖方搃兵和陽日與元戰諸將謂張天祐曰公當自察果能率眾禦胡則未往不然則公往張遂代往明祖攻拔和陽節次削平太平興國等處張自毫歸貴亳州杜遵道文憑授滌陽王子郭天叙為都元帥張天祐左副元帥明祖右副元帥明祖曰大丈夫寧能受制於人耶辭不受既而狗諸將請欲藉以為聲援從之紀年稱龍鳳然皆不察其節制置太平興國翼元帥府諸將奉明祖為大元帥十一月左副元帥張天祐戰歿於是明祖專制元帥府事十一月答失八都魯攻夾河賊大破之先是六月進次許州長葛與劉福通野戰為其所殺將士奔潰九月至中牟圍結屯種賊復來劫營掠其輜重遂與其子字羅帖木兒相失劉哈刺不花進兵來援大破賊兵獲字羅帖木兒歸之復駐汴梁東南青堠是時賊將趙明遠陷嵩汝及雒陽劉福通等復陷懷慶命河南行省右丞不花討之十二月答失八都魯

大敗劉福通等於太康遂圍亳州偽宋主遁於安豐明祖由和州破廬州宣讓王棄城由浙浮海還燕香軍乘勝渡江破太平軍國遂據江東蓋其時明祖亦號香軍也至正十五年賊勢滋蔓由汴以南陷鄧許嵩雄察罕帖木兒轉戰而北成虎率以遏其鋒賊北渡孟津焚掠至鞏懷河北震動察罕進戰大敗之河北以寧至正十六年四月答失八都魯父子親與劉福通對敵自己至百大戰數合答失八都魯墜馬索羅帖木兒扶令上馬先還自持了矢連發以斃追者夜三更步回營中時明兵取集慶秋七月己卯朔諸將奉明祖為吳國公以元御史臺為公府置江南行中書省明祖兼綜省事以李善長為參議官郭景祥陶安為郎中各分房掌事偽宋主陞明祖為樞密院同僉以帥府都事李士元為經歷尋陞明祖為江南等處行中書省平章以故元帥郭天叙弟天祐為右丞經歷士元為左右司郎中士元即李善長也八月汝穎將李武崔德破商州奉元路判官王洲起兵復之九月庚辰李武崔德陷潼關秦知政事述律杰戰死壬午豫王恣納夫里同知樞密院事定住引兵復潼關河南行省平章政事伯家奴以兵守之內申潼關復陷伯家奴兵潰豫王復以兵取之李武崔德敗走戊戌賊陷穽州及陝州察罕帖木兒以兵復陝及號復襲敗賊兵於平陸安邑賊陷陝州斷靖函勢欲趨秦晉答失八都魯調察罕帖木兒與李思齊往攻

之察罕即鼓行而西夜拔峭函立柵交口陝為城阻山帶河險
且固賊轉南山粟給食以堅守攻之猝不可拔察罕令焚馬天
營中如炊烟狀以疑賊而夜提兵拔靈臺城守既備賊始覺不
敢動即渡河陷平陸掠安邑蹂晉南鄆察罕追襲之賊以鐵騎
賊回抵下陽津死者甚眾相持數月賊勢窮皆遁潰十月乙丑
汝穎賊勢猖獗江東廉訪使褚不華行部至淮安竭力為守禦
計賊與青軍攻圍日急城中食盡人相食及城陷不華猶力戰
被執為賊所傷不華守淮五年前後百數十戰人以張巡比之
時元鎮南王鎮揚州招降青軍張明鑑為濠泗義兵元帥俾駐
揚州丙申三月明鑑等以食盡謀作亂逐鎮南王而據其城鎮
南王出走至淮安為趙均用所殺十一月河南陷河南廉訪副
使俺魯遁劉福通遣賊分掠山東河南北大書旂聯云虎賁三
千直抵幽燕之地龍飛九五重開大宋之天元都大震十一月
答失八都魯攻取夾河劉福通寨十二月庚申次高柴店逼太
康三十里是夜二鼓賊五百騎來劫以有備亟遁火而追之比
曉督陣力戰自寅至巳四門皆陷壯士緣城入其郭斬首數萬
擒偽將軍張敏孫韓等九人殺偽丞相王羅二人辛酉太康悉
平遣其子字羅帖木兒獻捷至正十七年二月壬子賊將李武
往德犯七盤藍田令察罕帖木兒獻捷以軍會答兒麻赤兒守
陝州潼關哈剌不花由潼關抵陝西會豫王忒納失里及定住

等同進討戊辰知樞密院事脫脫復郅調客省使撒兒答溫等
攻黃河南岸賊大破之壬申劉福通遣其黨毛貴陷膠州僉樞
密院事脫脫死之時毛貴一賊橫行山東侵犯畿甸駕幸灤京
避之是月李武崔德陷商州察罕帖木兒與李思齊以兵自陝
就援陝西賊出襄樊陷商州攻武關遂直趨長安至壩上分道
掠同華諸州三輔震恐豫王及省院官屬皆洵懼計無所出行
臺治書侍御史王思誠移書求援察罕帖木兒即領兵入潼關
長驅而前與賊遇戰輒勝殺獲以億萬計賊黨潰走南山入興
元三月詔答失八都魯至京師帝見之私謂侍臣曰此人死期
至矣罷還軍先是太不花軍士失律劫掠汴氏臺御史彈之有
旨仰其軍統職為白衣聽達失調至是復命為湖廣省左丞相
仍提前軍往征山東毛貴連失八都魯率本部兵渡河征曹州
盛文郁於是二將皆渡河相次失守矣三月毛貴陷萊州守臣
山東宣慰副使釋嘉訥死之甲午毛貴由海道得海船長驅破
益都益王買奴遁自是山東郡邑皆陷丁酉毛貴陷濱州四月
丁卯陷莒州毛貴陷益般陽等路而濟南又告急董博霄援之
賊眾自南山來攻濟南望之西山皆赤搏霄按兵城中設伏礮
上合賊大破之般陽賊復約泰安之黨踰南山來襲乃引兵城
上照開東門放兵出賊後城上兵皆下合擊之賊敗走濟南始
寧有嫉其功者譖於樞密兵太尉紐的合依前詔從不蘭奚同征

益都搏霄即出濟南城未幾命守河間之長蘆搏霄去濟南由是失守五月乙亥命知樞密院事不蘭奚進兵討山東戊寅平章政事赤老溫帖木兒復武州等三十餘城六月劉福通犯汴梁分其軍為三道閻先生破頭滿馮長舅沙劉二王士誠等一道寇晉冀由朔方攻上都白不信大刀教李喜喜一道趨關中毛貴據山東勢大震賊犯汴梁守臣求援于太不花至十往返猶按兵不進睢毫太康俱陷邊報日急顧左右大言曰無多言吾自有神筭也日縱兵出掠繼又渡師河北聲取曹濮遂駐於彰德衛輝而曹濮之賊奔攬大同相繼不守遂蔓延不可制朝廷遣重臣諭旨太不花恬不為意六月己丑鎮守黃河義兵黃軍下萬戶田豐叛陷濟寧路分省右丞實理門遁義兵萬戶孟本周攻之田豐敗走本周還守濟寧曹叛入紅軍遂破東昌東平大名等處是月歸德府知府林茂萬戶時公權叛以城降於賊歸德及曹州皆陷八月癸丑劉福通兵陷大名路遂自曹濮陷衛輝路李羅帖木兒與萬戶方脫擊之九月甲午澤川陵川陷縣尹張輔死之太不花復大名路并所屬郡縣元命紐的該加太尉提山東諸軍守禦東昌時田豐據濟濮率眾來寇擊走之閏九月乙丑潞州陷丙寅賊攻冀寧察罕帖木兒擊走之十月戊戌曹州賊入太行山是月白不信大刀教李喜喜陷興元遂入鳳翔察罕帖木兒李思齊屢擊破之其黨走入蜀既

又出自巴蜀陷秦隴據鞏昌遂窺鳳翔察罕先分兵守鳳翔城而遠謀者誘敵圍鳳翔賊果來圍之數十重察罕自將鐵騎晝夜馳二百里往赴比去城里分兵張左右翼掩擊之城中也諜而出賊大潰自相蹂躪斬首數萬級伏屍數百里餘黨遁還關中以定答失八都魯與知樞密院事答里麻失里討曹州賊官軍潰散答里麻失里死之九月取扶溝東明長垣三縣十月詔遣知院答失八都魯來援分兵雷澤濮州而答里麻失里為劉福通所殺遣諸軍皆潰答失八都魯力不能支退駐石村朝廷疑其玩寇使者促戰相踵賊規知之詐為答失八都魯通和書遺諸道路使者果得之以進答失八都魯一夕憂憤死明年正月詔其子李羅帖木兒為河南行省平章政事提領其父軍焉十一月壬寅賊侵壺關察罕帖木兒大破之癸亥孫王忒納失里與陝西行省左丞相桑、陝西行臺御史中丞伯嘉勦分道攻討閩陝諸城是歲趙君用及彭大之子早住同據淮安趙偕稱永義王彭偕稱魯淮王義兵千戶余寶殺其知密院事寶童以叛降于毛貴余寶遂據至正十八年正月丙寅田豐陷東平路丁卯知樞密院事不蘭奚與毛貴戰于好石橋敗績走濟南二月己巳朔毛貴陷青滄州遂據長蘆鎮發百毛貴陷濟南路守將愛均戰死毛貴立賓與院選用政官姬宗周等分守諸路又于萊州立三百六十屯田每屯相去三十里造大車百輛

以輓運糧儲官民田十止收二分冬則陸運夏則水運時重博
甯駐軍南皮縣之魏家莊毛貴兵猝至被執死之壬午田豐復
陷濟寧路丙戌紐的該關田豐逼近東昌以乏糧棄城走屯北
鄉東昌遂陷丁亥察罕帖木兒復涇州平涼保鞏昌茂子田豐
陷東平路庚寅王士誠自益都犯懷慶路周全擊敗之三月庚
子毛貴陷般陽路癸卯王士誠陷晉寧路提督杜賽因不花死
之甲辰察罕帖木兒遣賽因赤等復晉寧路已酉劉福通遣兵
犯衛輝李羅帖木兒擊走之進克濮州庚戌毛貴陷荊州詔徵
四方入衛乙卯毛貴犯鄆州樞密副使達谷珍戰死遂略柳林
同知樞密院事劉哈刺不花以兵擊敗之責退保濟南初貴由
河間趨直沽逼京都中外震駭或議北狩以避之或勸遷都關
陝中書左丞相太平以為不可起劉哈刺不花于彰德遂敗其
衆丙辰冀寧路陷丁巳田豐陷益都路辛酉大同諸縣陷察罕
帖木兒遣關保等往擊之時賊分二道犯晉冀一出沁州一侵
絳州曹漢賊分道踰太行焚上黨掠晉冀陷雲中雁門代郡烽
火數千里復大掠山南還察罕帖木兒先伏兵南山阻隘而自
勒重兵屯聞嘉絳陽賊果走南山縱伏兵橫擊之賊皆棄輜重
走山谷得南還者無幾乃分兵屯澤州塞碗子城屯上黨塞吾
兒谷屯井州塞井陘口以杜太行諸道賊屢至守將數血戰擊
却之河東以寧四月壬午田豐陷廣平路大掠退保東昌元帥

方脫以兵復廣平察罕帖木兒李思齊會宣慰使張良弼即
中郭擇善宣慰同知拜帖木兒平章政事定住提帥汪長生奴
各以所部兵討李喜子鞏昌李喜敗走入蜀五月戊戌朔
察罕帖木兒遣董克昌等以兵復冀寧詔察罕帖木兒還兵鎮
冀寧庚子賊兵踰太行察罕帖木兒部將關保敗之劉福通攻
汴梁士寅汴梁守將竹貞棄城遁福通等遂入城乃自安豐迎
其偽主居之以為都福通造宮闕易正朔號召羣盜巴蜀荆楚
江淮豫魯東自遼海西至甘肅兵連勢結乙巳關保與賊戰高
平大敗之庚申閔先生破頭滿等陷遼州虎林森以兵擊走之
閔先生等遂陷冀寧路察罕帖木兒調虎林赤關保等守潞州
朝廷以察罕帖木兒為陝西行省平章政事便宜行事秋七月
丁酉湖廣行省秦知政事周全據懷慶路以叛附於劉福通時
察罕帖木兒駐軍雒陽遣伯帖木兒以兵守益子城周全未戰
伯帖木兒為其所殺全遂盡驅懷慶民渡河入汴梁丁未不蘭
奚以兵復般陽路已而復陷己未劉福通遣周全引兵攻雒陽
察罕帖木兒登城以大義責全愧謝退兵劉福通惡之遂殺
周全叛將周全棄潭懷入汴城合兵攻雒陽察罕帖木兒下令
嚴守備別以奇兵出宜陽而自將精騎發新安來援賊至城下
見堅壁不可犯退引去同追至虎牢塞成皋諸險而還八月辛
巳義兵萬戶王信以滕州叛降于毛貴九月閔先生陷保定路

不克為察罕所扼遂陷完州掠大同與和塞外諸郡引兵而東軍聲大振丙子賊兵攻大同路壬戌平定州陷十月壬辰大同路陷完者帖木兒棄城走既而統領諸軍攻曹州泰政匡福領苗軍入自西門李羅帖木兒自將入北門克曹州殺偽官如武罕相仇知院等并獲金牌銀印諸物十一月丁未田豐陷順德路十二月癸酉閔先生破頭潘等陷上都焚宮闕留七日轉往略遼陽遂至高麗庚辰察罕帖木兒遣樞密院判官瑣住進兵於遼陽閔先生沙剌二破頭潘等由大同直趨上都焚毀宮殿望虎賁司犯大寧虎賁司去上都二百里世祖所立三十六屯在焉先是大雪人跡不通至此雪晴暖氣如春宮闕既毀元主議欲修之為中書省奏議陳祖仁諫而止是年十月明祖親領馬步軍數萬一馬軍兼二步軍征浙東懸金牌鉅云奉大都統中華十二月克婺州設浙東行省于金華府省門建立二大黃旗兩傍立二牌旗上書云山河奄有中華地日月重開大宋天牌上書云九天日月開黃道宋國江山復寶國時蓋奉龍鳳正朔也至正十九年正月丙午遼陽行省陷懿州路總管呂懿死之破頭潘閔先生等赴金寧焚魯王宮府駐軍遼陽寇陷上京廣寧路郭嘉力戰死二月辛巳賊犯順寧樞密副使朵兒只命張立將張立將精銳由紫荆出閔討令鴉鵲由古北口出迎敵甲申賊楊誠由飛狐靈丘犯蔚州據之字羅帖木兒與閔先生

戰閔兵奔潰是月奉詔鎮大同為閔軍捍蔽四月癸亥朔賊陷金口等州司徒知樞密院事佛家奴調兵平之甲子毛貴為趙君用所殺趙君用徐州芝麻李故將也與彭早住據淮安偕稱王早住死君用益自尊未幾奔山東依宋將毛貴至是又殺貴己丑賊陷寧夏路遂畧靈武等處五月察罕帖木兒大發秦晉諸軍討汴梁圍其城察罕帖木兒圖復汴梁五月以大軍次虎牢先發遊騎南道出汴南略歸亳陳蔡北道出汴東戰船浮于河水陸並下畧曹南據黃陵渡乃大發秦兵出函關遇虎牢晉兵出太行踰黃河俱會汴城下首奪其外城察罕帖木兒自將鐵騎屯杏花營諸將環城而壘賊出戰屢敗遂嬰城以守乃夜伏兵城南旦日遣苗軍跳梁者略城而東賊傾城出迎伏兵邀擊敗之又率弱卒柵外城以餌賊出爭之卒走薄城西因突鐵騎縱擊悉擒其眾賊自是不敢復出七月丙辰毛貴黨續紅祖自遼陽入益都殺趙君用賊自是各相仇殺毛貴既為君用所殺眾奉其幼子仍為提兵以鎮山東時明祖欲知齊魯燕薊虛實遣何必聚至山東為毛貴燒羹飯以探中原小毛提兵待之甚厚八月戊寅察罕帖木兒諜知城中食且盡計無所出乃與諸將關思孝李先彝虎林赤賽因亦答忽脫因不花呂文完招賀宗哲安童張守禮伯顏孫肅姚守德魏賽因不花楊履信關保等議各分門而攻至夜將士鼓勇登城斬閔而入遂拔汴